

明英宗實錄

卷三十七至七十六
正統二年十二月至六年二月

大明英宗睿皇帝實錄卷之三十七

正統二年十二月丙辰朔書與慶成王美靖曰比聞王祖母及
母皆遘疾已令大醫院精選醫士一人往療之宜躬視湯藥早
獲平復幸甚○詔遷都察院左副都御史吳訥行在右通政李
吟下獄初吟按訥不即奉詔收捕有罪訥具陳未嘗稽延行在
刑科劾吟誣奏且言訥嘗諭吟不得立貢頭牙行以覘小利故
吟憾之至是十三道復言吟材非忠直性資儉邪假公道復私
讐訥職居臺副知吟貪墨乃徇情不舉反致吟相仇請俱置於
法以正其快詐容姦之罪遂下獄鞠之○丁巳以陝西布政司
庫所藏祥襖褲鞋共四萬給寧夏平涼等衛軍士○行在禮部
奏初有旨諭外夷勿貢珍珠今建州左衛毛憐衛復貢珍珠宜
還之上以夷人遠來意在規利其姑收之而酬以直○戊午

授皇姊順德長公主用命府軍前衛副千戶石林之子璵爲婿
馬都尉賜誥命冠服等物○書與樂平王中突曰聞叔但舊疾
復作坐命太醫院擇精醫者一人往視無奉藥品及丸散七十
餘斤尚冀善加調護用副朕親親之意○朝鮮國王李洵遣陪
臣柳季闡等進表貢方物及馬賀明年正旦賜宴并綵幣等物
○遣指揮邢賢等齎勅諭迤西安定王亦拳丹及指揮桑哥等
曰我祖宗時爾等能順天命尊朝廷輸誠效力始終不替
朝廷恩賚亦久而弗渝肆朕即位爾等復遵朝命約束部伍良
用爾嘉故特遣使往諭朕意及賜爾等綵幣表裘宜益順天
心益篤忠誠撫治爾衆保境睦鄰永享太平之福○己未復命
石璞湯節捕反獄囚初江西按察司元囚反獄給事中御史劾
奏按察使石璞都指揮湯節罪詔免璞節官立期日捕之至是

踰期不獲遂至京法司當璞節徒罪 上命再期三月不獲
乃罪之○行在戶部主事王增做獲浙江其隸卒私有所索金
華知府蔣勸執治之增懼連及已託致仕郎中陳景茂懇勸得
釋既而增誣動妄執其隸卒事下法司論增賄賂徒還官景茂例
誦戍邊 上以增不能檢下乃復却詐黜為雜職以景茂既老
姑宥罪削其官○直隸淮安府奏所屬邳海二州贛榆等六縣
今年旱潦田糧有徵者少乞存逋還糧以儔守禦官軍支用從
之○禮部左侍郎卓敬平敬字尚文浙江會稽縣人永樂甲申
進士選為翰林庶吉士與修永樂大典授刑部主事時山西有
劫盜詔捕之急捕者掩執行路數百人以聞 太宗命刑部覆
訊之故釋其枉惟一人賁盜以故陞本部員外郎累官禮部左
侍郎時尚書胡濙政尚寬大敬以嚴肅佐之於吏欺雖小不恕

遇事不肯婚媾依隨士林多服其剛毅及卒上嗟悼之遣官
諭祭命有司營葬事○庚申擢河南汝州氏劉穀為陝西迭烈
鎮巡檢司巡檢初設行市中兄十餘人聚賭植刃坎於寓舍察
知其盜即縛三人其餘舉火焚氏舍縱掠以遁穀復奪其刃追
執二人殲五人函首械俘上於州州以狀聞下巡撫侍郎覆覈
具驗故有是命○辛酉夜有流星大如栝邑青白有光出南河
東行至濁○壬戌行在禮部奏唐府長史陳範言本府缺國朝
禮制集要書請命工部刊板印造以賜及頒各王府庶有考據
不致違戾上以禮制集要書王府不可無但印造勞費以內
府所有者給之○癸亥臘節賜文武百官宴○甲子命瓦剌順
寧王脫歡使臣哈馬剌失力為慈善弘化國師大藏為僧錄司
右覺義答蘭帖木兒等為指揮千戶鎮撫等官初哈馬剌失力

自陳屢米朝貢蒙恩賚乞賜名分以便往來行在禮部以聞
故有是命仍賜哈馬剌失力僧衣一襲及荅蘭帖木兒等冠帶
○乙丑巡按直隸監察御史楊春言 太祖高皇帝大誥三編
教民爲善去惡官民所宜遵守今天下有司視爲文具乞令講
讀又天下學校皆設提學風憲官惟雲南獨以地遠未設乞照
例設官事下行在禮部覆奏講讀大誥宜如春言雲南學校基
少分巡憲臣可以兼理不必設官從之○哈密忠順王卜荅夫
里遣使臣馬兒火者等兀者衛野人女直鎖住免等剽宣衛指
揮虎省哥伍屯衛舍人得松哥帶從衛指揮金事剽剌湖黃石
關峒長官司副長官譚仲貴容美宣撫司舍人黃隆傑等陝西
岷州衛刺麻番僧錯竹落木等俱來朝貢馬駝及方物賜宴并
綵幣等物有差○鎮守陝西都督同知鄭銘奏靖虜衛新城西

枕黃河破水衝激去河僅丈許又地多沙礫不堪耕牧其南不
百里有富會州城地勢寬平耕牧俱利清侯未嘗修築徒居庶
可經久從之○丙寅給賜楚府燕陽王季淑東安王李琛歲祿
二千石湘鄉邵王同儀賓王謙宜寧縣王同儀賓姜敬成祿如
例又以永安懿簡王妃未封男女衆多加賜祿米五百石不爲
例○監察御史李俊奏奉命巡視薊州永平山海等處軍政其
總兵官都督同知王彥等不修守備號令廢弛以致軍士多逃
請治其罪上曰彥等不能撫恤士卒法所難容姑記其罪如
更踰前非必罪不宥○夜月入華宿中○丁卯少傅燕尚書大
學士楊士奇等言監察御史清軍有以江北人起解南方極遠
者有以江南人起解北方極遠者彼此不服水土死於寒凍瘴
癘深爲可憫臣等議以江北清出軍丁就發遼東甘肅一帶衝

所備伍江南清出軍丁就發雲南貴州兩廣衛所備伍庶兵備
不缺下人不困上以爲然即命廷臣議行○監察御史金敬
奏北者邊賊入牛莊川等處剽掠而都指揮僉事曹勝擁兵坐
視縱之出境乞懲其畏縮失誤之罪上以勝罪當誅姑落其
職充爲事官令率兵剿賊事或再誤止殺無赦○晚刻霜附本
如雪竟日不消自卯至己昏霧四塞○戊辰擢進士李顯爲戶
部主事范宗爲工部主事賈敬爲大理寺左寺副○命兀者衛
故指揮僉事亦成哈子鎖住克襲職○己巳陞陝西鞏昌府徽
州知州蔡茂爲府同知仍掌州事直隸池州府銅陵縣知縣周
賓爲州同知仍理縣事茂任滿州民言其不苛刻教民視愛公
商盜息賓以給事中出令任滿縣民言其勤撫字均在役各相
率告留鎮守巡撫等官覈實以聞故有是命○庚午命武進伯

朱克先總兵官統大同宣府兵巡邊○命亦力把里及阿端曲
先等地面使臣齎勅及金織文表裏綵絹賜其王母例刺速魯
檀頭目撒判馬沙米兒咱馬黑麻札等○辛未太子太孫成國
公朱勇等奏奉命選拔三千大營五軍仲機等營精銳官軍十
五萬一千有奇欲將續選行在錦衣等七十衛官軍與之相兼
編伍訓練然於內有守陵守衛供役上直省已為處之 上命
守陵守衛各存其半供役上直旗校謀錦衣衛官督操其餘俱
聽訓練備用○壬申命山西都指揮僉事史直子王代為指揮
同知濟州衛指揮使李林子輝武功中衛指揮同知尤寬子福
羽林右衛指揮僉事周興子斌濟陽衛指揮僉事侯秉子清俱
代職○賜陝西官軍三十五人銀兩絹布有差以鎮番字雜口
等處殺獲達賊功也○修周府社稷山川壇場○癸酉陞廣西

博白縣沙河寨巡檢司巡檢李恭爲博白縣主簿恭以秩滿去
任梧州府奏縣員山濱海俗號難治恭練達果敢盜須民服今
縣官多缺政務廢滯乞量進恭秩俾理縣事改有足命○甲戌
上以大同宣府地臨邊當增設軍馬備禦而糧餉不免勞民
命行在戶部議其便尚書劉中敷等議大同屬山西而宣府近
通州請將山西布政司起運宣府糧料四十五萬八千石改留
大同別起軍夫於通州倉轉運糧料五十萬石赴宣府 上以
起軍夫運糧於事不便命宣府糧料以其半納大同附近宣府
州縣糧悉納宣府仍每季具所納數以聞○行在兵部左侍郎
柴車奏先以隸浙鹽呂商於甘肅中納糧奉令商人有告願增
糧數中雲南四川井鹽者乞從其便陝西按察司副使金應亦
奏甘肅衛邊糧少今戶部又移文間中附近莊浪涼州鹽糧恐

各商避遠就近乞令但中甘肅倉糧事下行在戶部覆奏宜允其請遂定例中淮浙鹽者肅州衛倉每引一斗五升中雲南鹽者甘州倉每引三斗中四川鹽者每引二斗五升從之○乙亥書復靖江王佐敬曰得奏欲為倖倖王立碑以彰懿行具見王之孝誠因命禮部稽洪武永樂間例皆無親王及郡王立碑者故不收從王所請王其知之○勅遼東總兵官都督巫凱等曰得奏戰守方略具悉卿等盡心然冀言兀良哈三衛達子并海西野人女直來朝不從戒諭且出悖言朕以卿等控重兵鎮遼陞於茲小醜不能以假法制之況大敵乎若然則所畫方略將何所施古云非言之艱而行之艱卿其勉哉○勅大同總兵官都督陳懷等曰鎮守延綏都指揮同知王楨械所俘賊徒朵羅歹等三人至京言兀良哈朵顏福餘等衛部落約四五百騎先

屯東勝地方恐大同軍馬截殺欲引還及獲我邊軍詢知總兵官皆畏懦無為乃敢長驅而西既而預又報賊復寇榆林莊及桃園墩被官軍追殺遁去朕慮此賊不逞於西去窺伺於東卿其嚴督哨備多方剷除若擁兵坐視而不能為邊境有無信如賊所謂畏懦無為者矣卿尚勉之苟立懋功不吝厚賞○哥吉衛女直指揮夫里必納亦天山衛指揮不當加兀里美山衛指揮必泰加陝西安定等衛國師賞勳領占下完卜捨刺藏卜雲南武定軍民府故女土官和府尙智夫叔阿寧阿沙把事李丈質聞索嶺巡檢司故土官巡檢李實男崇并廣西泗城州道頭目李喜四川東川軍民府故土官和府阿伯男普得遣祀事阿賽湖廣施南宣撫司土官同知覃敬遣舍人向興等各來朝貢馬及方物賜宴并珠幣等物有差○瓦剌使臣都指揮大尉阿

都亦等陞辭 上命都指揮康能指揮陳友李全同阿都亦肅
書及諸色金織綵繡蟒龍麒麟裝衣綵幣表裏金銀寶石首飾
器皿書籍等物往賜鞑靼可汗及其妃并順寧王脫歡等仍以
綵段酬其所貢馬直各有差○命五屯河衛故指揮僉事脫尹
不花子尚都弗提衛故指揮僉事由稱子咬納俱襲職○命署
都督僉事馮翔充右副總兵赴淮安同左副總兵王增提督漕
運仍諭其同心協和撫恤軍士不得偏執已見○命陝西布政
司以今年糧折色逐年糧員欠者依時價折收驢騾給甘肅涼
州備禦官軍載運衣糧從行在兵部尚書王驥奏請也○鎮守
陝西副都御史陳鑑言臣省視臨邊屯堡軍士披執器械皆不
堅利初給料造甲每副鐵四十斤造完得二十餘斤今較軍士
衣甲重不過八九斤至以皮葉縫成者如此何以禦敵乞實監

造軍器官於法從之。○丙子南京叅贊守備機務少保兼戶部尚書黃福奏欲詣行在考滿。上曰守備事重正倚老成豈可輕離其免來。○太僕寺少卿龐堄有罪下獄初堄同本寺卿楊應春寺丞劉璧分俸馬匹受賂事覺應春璧俱下法司獄應春贖罪調用璧贖罪罷爲民至是堄始逮至下獄鞫之。○廣西南寧衛守禦太平府獲千戶所言所城臨邊且近交趾四面皆與土官衙門相接往往弄兵互相讎殺近因雨水連綿城垣坍塌恐夷人乘釁窺伺乞撥附近軍衛工力修築從之。○丁丑行在禮部奏正統三年正月初六日享太廟先三日太常寺奏祭祀故事。上御正殿受奏然是日值宣宗皇帝忌辰例不鳴鐘鼓第視事西角門禮有不同請裁之。上以祭祀重事仍宜升殿餘悉遵永樂間例行之。○萬全都指揮僉事韓鎮老疾以

其子忠代爲指揮使。○修南京通江橋東西一帶江岸。○鎮守陝西右副都御史陳鑑劾奏太保寧陽侯陳懋及都指揮王永多役軍餘於塞外佃牧悉致虜抄掠懋復藏匿聞者不以聞。上曰懋姑宥不問都察院仍諭其省過而究其所匿聞者永嘗縱賊肆掠今優年利招寇如獲得實非之。○巡撫河南山西行在兵部右侍郎于謙奏請將河南布政司宣德十年以前員人糧米并正統二年起運草束改折米麥俱存留被災府縣預備賑貸從之。○戊寅陞禮部祠祭司郎中黃養正正四品俸仍於內閣書解以九年考滿故也。○宥行在尚寶司司丞龔瑄罪劾瑄擁僞從屬狗縱獵於通州諸處詐云將以爲聖寧獻興州衛調騎卒百餘至田縣發夫千人與之所至受易粟羊酒事覺下法司引伏當瑄贖徙遠調上特宥之。○己卯遣中官祭司

寇之神。○陝西涼州衛舊僧剏已堅營國師鎮南堅叅等雲南
尋甸軍民府故土官知府沙觀孫安貢四川龍州宣撫司土官
宣撫薛忠義遣舍人薛志高等貢馬駝賜絲幣等物有差。○陞
哈密使臣指揮使把失忽里馬都指揮同知指揮同知兀馬兒
火者爲指揮使指揮僉事格來馬爲指揮同知副千戶倒刺火者
爲指揮僉事以其遠道朝貢勤勞故也。○詔以河南山西二都
司及直隸寧山衛在京輪操官軍二萬四千更番赴宣府大同
延安綏德各邊守備仍勅總兵官都督譚廣等善加撫綏毋令
失所。○鎮守延安等處都指揮同知王偵奏延安綏德慶陽皆
陞臨邊境人不通幣市無善藥官軍病者多致傷生乞勅陝西
布政司開給藥品及於屬縣撥醫隨軍候邊境寧日乃止從之
○山西按察司僉事梁安生高平穩其書吏龐章告歸致章受